

有正味齋詞集

有正味齋詞集卷一 目錄

錢塘 吳錫麒

佇月樓琴言一

菩薩蠻

水龍吟

夏晚趙氏西池納涼

鳳凰臺上憶吹簫

城東瓦子巷本南宋特勾欄夢馳玉樓春詞有云問稱家住城東陌欲買千金應不惜歸來樹頓啼春眼猶夢婆娑斜趁拍益指此也今則委巷蕭然知者殆寡余以秋日經行其間彌覺衰草夕陽黯然懷抱矣

西江月

掃花遊

冬晚遊龍興寺同舒古廉賦

臺城路

富春道中

浣溪紗

摸魚兒

江上觀捕魚作

高陽臺

嚴江春盡日旅館無人惟聽雨聲送花買醉不得黯然于言用玉田韻爲社中諸子問

酹江月

夜過桐廬明月在空山水澄映冷然如濯魄玉壺中也

望湘人

旅感

春霽

重赴嚴江留別社中諸子

羅敷媚

臺城路

春曉登吳山見炊烟四起

菩薩蠻

西子粧

秋字澄霽遠近無烟湖上山光動搖涼翠萬狀古廡邀余出錢塘門將之孤山遇黃相圖姚春漪宋筠洲黃玉階拉入舟中循蘇隄入西泠橋泊于裏湖幽處山水既佳飲酒極醉因用夢隱白度腔以寫其勝

洞仙歌

菩薩蠻

虞美人

玉漏遲

壬辰春余歸自嚴江得姚春漪游吳門留別之作悵然于懷賦此寄之

望湘人

憶宋筠州客粵東

探春慢

宋宮洗鉛池在梳粧臺側今爲僧院

西江月

巫山一段雲

雨中花

柳色黃

秋日同黃相圃姚春漪集曉春書屋

掃花遊

甲午清明同沈梅村作

夢橫塘

春暮同舒古廉黃相圃姚春漪泛舟湖上時飛絮掠波散漫如雪因憶
壬辰三月與黃玉階坐跨虹橋上東風甚緊柳花渡湖而來玉階得句
云一年春事又楊花余味其意似其有淒惋者明年玉階竟以病殆
詩堪與此遊今昔雖異風景宛然舊感新情悲吟成調

臺城路

南湖感舊

翠樓吟

乙未正月十四日始蘇道中作

南樓令

菩薩蠻

月華清

閏十月乞假南歸夜宿在平旅店月冷燈孤清寒特甚悵然爲賦此解

湘月

其勝

入崑陵道中風物清曠塵襟灑然用白石老仙自度曲所謂兩指聲者以寫

摸魚兒

平望

臺城路

青浦舟望

江城梅花引

思佳客

夕泊楓橋

臺城路

項蓮峰訪余于吳門值余有邗江之役相與別去舟中悵然眠此奉寄

憶舊遊

無錫舟中望慧山

前調

大風渡江

臨江仙

金棕亭教授招同秦西巖前輩汪對琴比鄰家並山山長紅橋納涼

漢宮春

鐵佛寺是五代楊行密故宅

湘月

集歐梅花下草堂分詠揚州古蹟得秋聲館

夢橫塘

平山堂

芳草鳳樓吟

文選樓

百宜嬌

題家並山香草詞

霜天曉角

國香慢

同人買舟擬游禪智寺因雨不果小飲三賢祠分得此調同作者閔玉井江橙里江玉屏

看花回

秋雨初霽同人泛舟紅橋遊王氏園時桂花盛開年瘦生爲余作訪秋圖余填此調

夢橫塘

集寒香館再詠揚州古蹟得螢苑

輓轡金井

玉句井

擊梧桐

秋風蕭瑟羈愁逼人疎烟細雨中著屐出城尋大小雷塘故蹟微黃蒼柳涼意可憐古事茫茫唯有田水聲足與清吟相答也

琵琶仙

江橙里招同汪雪礪江玉屏游康山

浪淘沙令

念奴嬌

題楊吳尋陽長公主墓誌拓本

霜葉飛

游禪智寺

齊天樂

將遠西湖留別韓江吟社諸君

有正味齋詞集卷一

錢唐 吳錫麒 聖徵

佇月樓琴言一

菩薩蠻

簾鉤小颭春風裏，薄陰畫就濛濛地。
花細落櫻桃，不知人過橋。
露下蒼苔濕，獨自單衣立。
燒了女兒香，拜伊和影雙。

水龍吟

夏晚趙氏西池納涼

舊時喬木依然一襟曾染詩人翠。
斜陽小立藕花飛，夢夢涼如水。
過雨苔肥，留煙石瘦，俊游誰記。
待招來鷗鷺，闌邊拍拍還識。
我垂竿子，漸釀新秋，情味縐池心。
玻璃風起，嘶蟬徑斷，鬪蛩簾換。
幾消吟醉，暗惜年華，近來修竹已無題字。
但桃笙坐看青

天明滅畫行雲意

鳳凰臺上憶吹簫

城東瓦子巷本南宋時勾欄夢牕玉樓春詞有云問稱
家住城東陌欲買千金應不惜歸來困頓殢春眠猶夢
婆娑斜趁拍蓋指此也今則委巷蕭然知者殆寡余以
秋日經行其間彌覺衰草夕陽黯然懷抱矣

冷落鴉邊淒涼葉底一條古巷彎環問冶春蹤跡數夢都難歎
息琵琶仙去流水外別調誰彈西風紫蕭蕭草樹暗起清寒
湖山故宮十里算桂子荷花儘足盤桓甚小門閉後斜照同閒
燕子歸時應戀凭翠袖幾處闌干回首新愁舊愁併作秋看

西江月

門對枇杷舊樹人吟鸚鵡前廊一條情路隔紅牆纔信銀河天

春霽

重赴嚴江留別社中諸子

多事啼鵲怎喚我歸來又早催去一瓊紅醪一枝黃筍一般別
離情緒捉花弄絮戀春春不留人住好記取今夜破帆搖夢落
江渚 當此自笑歲歲年年影如浮萍旋散旋聚憶前番嘗樓
剝笋多情曾畫故園句休悵旅程魚信阻去也來也早料此度
歸時鷺鷥頭上藕花翻雨

羅敷媚

臨湖小院儂家住名是楊枝愁似楊絲怕見楊花渡口飛 波
心聽打蘭橈去夢也迷離信也依稀過了春寒九九時

臺城路

春曉登吳山見炊煙四起

綠楊城郭春如畫濛濛萬家煙起雨後偏遲晴邊較淡都化江湖寒翠清明過未換禁火光陰一杳新試悄地風回市聲飛出白雲裏憑高還動遠目看朝曦四見搖蕩如水歌板樓臺過簫巷陌喚醒黃梁殘睡餘痕裊細漸半亘山腰半屯林尾颺到花梢者番紅雨膩

菩薩蠻

碧桃開放無人見退紅簾子垂三面不爲怯春寒羞教柳眼看無言低翠袖酥腕憐消瘦愁自在心頭楊花不替愁

西子粧

秋宇澄霽遠近無煙湖上山光動搖涼翠萬狀古廉邀

余出錢塘門將之孤山遇黃相圃

模

姚春漪

思勤

宋筠

洲

永

黃玉階

基

拉入舟中循蘇隄入西泠橋泊於裏湖

幽處山水旣佳飲酒極醉因用夢牕自度腔以寫其勝
人外秋清鷗邊水遠藕葉藕花無數漁樵野局頻招我酌西風
判誰賓主狂歌醉舞願身在蓬壺常住看涼波帶年年山色何
曾流去 菱謳暮一霎斜陽暗了橫塘路算來千古幾斜暉照
詩人共尋烟語衣香舊句且休向西泠重賦怕回頭冷綠沉沉
萬樹

洞仙歌

新拋紈扇乍寒生羅被擘破莢房甚滋味靠闌干細數黃花花
浸月月影和秋都碎 烏衣今夕去喚到征鴻替箇人兒寫人
字樹底已霜飛不待題詩先換了銅溝紅淚悔煞對西風忒關
心一綫斜陽繫情千里

菩薩蠻

妾家皂莢橋邊路問年恰恰逢三五背唱月兒彎素花秋兩鬢
不知愁裏意已解愁滋味名字喚真真夢來思殺人

虞美人

斜陽一角紅樓影抵似關山永蜜梅花下見來遲更約天寒上
九試香時薛家鏡子鉛波濕不是團圓月簾深何處捉迷藏
飛去玉釵風裏燕雙雙

玉漏遲

壬辰春余歸自嚴江得姚春漪游吳門留別之作悵然
於懷賦此寄之

客愁渾未洗偏憐去客催愁還起折柳歌寒醉有吳箋寫淚想
見扁舟來去看足了蘇臺眉翠烟月墜天涯回首滿空雲水
不恨別浦帆催恨負卻春風者邊吟醉說與離情抵似綠波干

里三十六鷗飛夢更三十六鱗傳意歸也未樓頭已花殘矣

望湘人

憶宋筠洲客粵東

漸雲寒逼硯葉落敲燈故人猶滯天際一幅帆迷一繩雁細更帶一聲笳起十八灘高六千里遠江山如此料幾番歌到珠孃不抵湖天吟醉惆悵光陰彈指已登高節過怕凝遙睇况飛雨吹愁酒外不禁秋思羅浮舊約縱難拋棄只是天涯滋味待賸取好夢歸來夢向梅花香裏

探春慢

宋宮洗鉛池在梳妝臺側今爲僧院

月樹棲烏花宮放梵山空孤鳳無語淺水波消斜階沫濺難得舊時春聚鏡影團圓在料無分照伊睂嫵但憑前嶺斜陽額黃

一點偷注 銅輦記曾來去問幾曲欄圍幾重雲護流粉流香
映花映柳那有浣人愁處瀉盡繁華淚驀化作響衣寒雨暝入
僧樓沉沉都咽鐘鼓

西江月

密灑迷迷寒雪斜吹翦翦東風梅花不住水雲中雲水替流幽
夢 短笛樓頭一霎輕帆江上千重道郎回首卽簾櫳莫費相
思千種

巫山一段雲

金粉鋪殘照胭脂爛古苔半春濃雨不會來今日小園開 裙
色鴛鴦妬衣痕蝴蝶猜落花如雪習輕釵無語下香階

雨中花

已繡得鞋紅滿地更嬾去問桃尋李攬不成春飛都如夢只稱

楊花意恨逐雨絲風片裏賸一段別離滋味坐樹鶯啼當簾
燕語未穩單衾睡

柳色黃

秋日同黃相圃姚春滴集曉春書屋

苔片陰生春色一簾旋換秋早楊枝舊綠花枝舊碧半黃斜照
尋詩何處但聽郭外鐘聲引來臨水魚烟悄已信主人閒更閒
如鷗好重到曲闌頻倚短髮低搔故人都老無恙西風只戀
幾株紅蓼吟蟲也歎爲道莎草涼邊而今野局漁樵少我輩忒
疎狂又簪香盈帽

掃花遊

甲午清明同沈梅村

赤然作

石泉句就早送回殘夢試茶風裏夕陽似水漾秋千小影細搖

花碎帖帖清愁一色。鞦紅繡地，矮簷底。臘柳眼窺人人共春醉。
春又過半矣。怕柳亦難禁者般情味。賣餠巷尾，尙餘寒料峭。
小樓深閉，識得新烟，只有歸來燕子，定巢未書。燈照伊濃睡。

夢橫塘

春暮同舒古廉黃相圃姚春漪泛舟湖上時飛絮掠波
散漫如雪因憶壬辰三月與黃玉階坐跨虹橋上東風
甚緊柳花渡湖而來玉階得句云一年春事又楊花余
味其意似甚有悽惋者明年玉階竟以病死殆詩識與
此遊今昔雖異風景宛然舊感新情悲吟成調

捲還似雪滾不成球。晚風吹向流水舊路濛濛早隔斷斜陽千
里已囀鶯餘才啼鵲後一年春事付湖心鏡影攪碧搖寒相思
恨和萍碎橫橋凭處闌干。賸清愁難畫絮語空記蝶趁鷗迷

歎只似飄零身世念前度青衫綴好不道晴雲易飛墜待認離
痕未教成夢定先教成淚

臺城路

南湖感舊

夕陽多少閒鷗在曾盟舊時秋水松墜枯釵柳迴淨眼換了袈
裟初地陂塘數里歎誰替詞仙石闌重倚遠暈烟蛾晚山低鎖
一奩翠平泉都已割捨甚龍華發願難埽文字酒被雲殘詩
襟雪瘦夢老幅巾花底休提燕子問頭白僧歸主人知未獨立
蒼茫冷螢移暗尾

翠樓吟

乙未正月十四日姑蘇道中作

埽雪街晴燒燈閣煖楊枝已逗睂暈烟波終古在洗不盡故宮

脂粉東風吹髻歎一夢繁華雲帆空引低徊問西施網得幾人
會認無悶此度天涯又紗籠盈路火蛾成陣市喧聲未動怕
猶帶吹簫餘恨誰傳芳信道有約團圓蟾蜍應準來宵近水窗
吳語坐灰蘭燼

南樓令

一片水雲鄉不知何處涼算秋風纔到銀床起換歌頭歌水調
有花露濕蓮房儂小住西塘花香夢亦香驀人前難學迷藏
側倚團團羅扇子偷半面看鴛鴦

菩薩蠻

屐聲兜轉迴廊路下階生怕沾香霧不是惜蟬紗鴛鴦機上花
怨郎歸太晚千里何曾遠琴裏話瀟湘玉絲三尺長

月華清

閏十月乞假南歸夜宿荏平旅店月冷燈孤清寒特甚
悵然爲賦此解

缺月分梳癡雲弄絮滿空浮動寒色客枕孤清夢繞一燈紅滴
只耳畔鈴鐸聲圓暗和著荒街落葉嗚咽漸催來華髮幾曾相
識莫怪今宵淒絕便數到歸程遠愁如織千里高鴻正訴山
陰風雪念往事誰伴圍爐有好句畫灰吟得相憶盼梅花路杳
者情難說

湘月

入毘陵道中風物清曠塵襟灑然用白石老仙自度曲
所謂鬲指聲者以寫其勝

九龍迢遞已雲中暗逗嵐光如雨滿眼烟波人不見日暮打魚
纔去竹送陰陰鷗迎悄悄但聽搖柔櫓豁然開朗此間饒有佳

趣憑洗十斛紅塵斜披風帽欲往尋烟語岸颭青帘沽酒近
行過蘆花明處小汊通村短橋跨岸畫出江南路清寒在水老
魚深夜能舞

摸魚兒

平望

染輕帆滿陂烟翠艣聲隨意搖去江楓落盡詩題少一雁催來
寒句雲乍聚向雪色蘆邊界得斜陽住篷窗欸語有琴畫前緣
蓴鱸舊約吾欲問鷗鷺光陰換約略吳船喚渡當時來往沙
渚可憐鶯脰湖心水重照髻絲如許風颭處認幾點青帘挂在
冥冥樹漁歌唱暮早清逼疎鐘冷窳斷塔新月一眉吐

臺城路

青浦舟晚

柘西池館曾來往松門甚時深閉帆底看風船頭候月領取江湖滋味烟波幾里聽一笛漁船一鐘僧寺深黑蘆邊照人閃閃逗螢尾蕭然微下冷露對空明萬頃如遠塵世鶴語天青星搖水綠消盡尋常詩思閒鷗喚起肯讓我高眠白雲谿裏夢向青山滿身涼翠洗

江城梅花引

枇杷樹下小門開愛蘇臺住蘇臺只有柳枝三月稱身材燕子纔歸燈又上問名字怕人前喚夜來夜來夜來情費猜停繡鞋理玉釵喚也喚也喚不下咫尺香階孤負團圓月子照蒼苔知道藕花今夕夢烟水裏背鴛鴦若箇諧

思佳客

夕泊楓橋

薄月依雲畫不如晚涼天氣雨晴初鴉羣黑攏高高樹螢點青
攬短短蘆塵盡洗夢都無水窗吟破睡工夫鐘聲一杵無尋
處誰寫寒山夜半圖

臺城路

項蓮峰

朝菜

訪余於吳門值余有邗江之役相與別去

舟中悵然賦此奉寄

吳波千頃流情去離愁暗縈花草舊雨來遲停雲望遠堪笑天
涯泥爪芳華易老問一徑蘼蕪采香誰到悶掩屏山晚亭無夢
獨吟悄東風曾共小別又碧荷扇外相促游櫂酒筇邀風鷗
波坐雪輪與者邊斜照催人去早只月影淮流慣增清惱暝色
搖燈一天涼雨攪

憶舊遊

無錫舟中望慧山

看風梢弄影水葉搖涼滿目斜暉不見題詩客只詩情一片吹
上山睂望中塔棱縹緲無數暮雲迷正笛外聞漁尊邊款驚人
在蘆漪相思舊游處有雪巘蒙烟凍樹藏曦更踐蘋花約聽
鳴泉隔竹如奏琴絲欲尋煮茶風趣幽夢落林扉漸素月飛來
一聲水鶴天際歸

又

大風渡江

暮雲烟脫走片帆如馬高蹴層空練捲千條白賸吳頭楚尾不
了青濃醉吟浪花堆裏豪氣動魚龍正海日西斜三山翠色吹
落金鐘游蹤溯前度笑梗泊萍浮孤負長風萬里江流壯讓
今朝濯足踏碎芙蓉只餘雪鷗飛處掀舞一漁篷料鐵笛狂吹

相期定在千仞峰

臨江仙

金棕亭教授

兆燕

招同秦西巖前輩

巖

汪對琴比部

棟

家並山山長

廷

紅橋納涼

橋外有堂堂外竹竹間流水如琴移來藤榻就涼陰蓮花名士
語鷗鳥故人心醉我清尊宜此地渾忘日落遙岑秋光回首
竹西深蟬聲孤磬戛螢火一星沉

漢宮春

鐵佛寺是五代楊行密故宅

匝地繁珠歎禪關閉久屐齒經稀敲門有人訪古極目斜暉瞿
曇老去賸袈裟壞色都非前代恨難消戰血幾痕碧到楊絲
何論沙蟲猿鶴付西風劫火一片灰飛山河欲尋故影明月來

遲淮流遠咽繞誰家秋水漁磯賸樹外紛紛鴉陣黑雲萬帳高
五代史行密收孫儒兵數
千以皂衣蒙甲號黑雲都

湘月

集歐梅花下草堂分咏揚州古蹟得秋聲館

秋無今古問古人聽得秋聲多少今我重來秋色裏畢靜一天
斜照佳亦爲佳呼之不應獨曳蘆中櫂涼花相引水雲千里尋
到何似漁子家家撈鰕斲蟹幾曲烟波繞畫向潮平風定後
纔信無聲秋好江北江南客來客去枉被閒鷗笑蓑衣眠穩小
門深閉烟悄

夢橫塘

平山堂

倚雲裁宇剖月垂簾醉翁前度曾到一舸花紅記邵伯湖中來

好小妓傳杯老仙命句那時斜照歎風流不見雨冷烟荒裙腰
路迷芳草 偏留隔水烟鬟恰平臨碧榭秀影迴抱不定江風
吹酒外晚嵐飛悄認幾樹垂虹影裏隱隱燈船送歸早問向閒
鷗舊時歌吹已荒涼多少

芳草鳳樓吟

文選樓

問何時蕭家帝子層樓來占巢痕能精文選理一時教授須策
秘書勲丹黃今縱倦賸蟲魚燈火黃昏甚四面累惡軟風吹滿
游塵 休論翠華歸去冷螢飛照聽唱秋墳舊時紅袖在玉欄
曾倚處已散氤氳綺羅都是夢只名流標格猶存看竹外涼峰
畫翠書破江雲

大業拾遺記帝幸文選樓先
命宮娥數十人升樓選侍

百宜嬌

題家並山香草詞

酥雪濃搓玉波微浣吟到者時尤俊滿地斜陽一天芳草略帶
六朝金粉橋荒廿四且莫譜吹簫餘恨傍粧臺燈影搖毫麝烟
添上脣暈 曾載酒蘭窗細問清麗許誰隣玉田差並隔葉頻
敲倚花細按耳底箏琶銷盡雙鬟賭唱料畫向旗亭應準甚瀟
湘千里春風付游仙枕

霜天曉角

生小蓮娃是紅橋那家認得死央兩字牽小夢墮菱花 花耶
雲易遮雨來風又斜日暮問郎不見榴子意更酸些

國香慢

同人買舟擬游禪智寺因雨不果小飲三賢祠分得此
調同作者閔玉井華江橙里助江玉屏立

水竹搖妍聽稍稍古韻暗墮詩邊塞芳那人何處秋滿菱船一
杵清鐘雨外問僧榻只借雲眠微茫阻游屐且覓天香來證情
禪對花花不語恨西風燕去冷信先傳吟仙鶴化苔色漸老
蒼烟剩有天涯朋酒不輸他歌吹年年臨波試窺影旅髻蕭疎
合受鷗憐

看花回

秋雨初霽同人泛舟紅橋遊王氏園時桂花盛開年瘦
生汝鄰爲余作訪秋圖余填此調

喚艇向烟邊覓語波心搖影小山暗引吟興送天際幽香十分
清冷盟蘿欸竹待到斜陽人去靜煩寫我散髮疎林雪鷗夢外
譜涼韻邱壑此間原畫境更列岫隔江遙映省識前身老衲
慣金粟堆中聽來秋磬西風未歸怕有閒雲故山等且先參無

隱禪心說與幽花證

夢橫塘

集寒香館再詠揚州古蹟得螢苑

竹枝彈雨柳葉樓烟夕陰深黑何處野草粘愁幻幾點枯螢來
去綃扇前因翠簾餘恨影和秋聚記飛飛故苑十斛星寒繁華
夢西風路飄零最苦蕪城歎銅盤折後暗濕鉛露坐慣羅衣
嗟此日美人遲暮照不盡相思字字枉伴明蟾二分度冷咽
脂更招山鬼對荒燐私語

轆轤金井

玉勾井

草荒陰翳闕仙關可有露桃開未一度春風換一番塵世明蟾
萬里幾曾照玉勾天地寫影流雲吹華滌夢悄無波起霞衣

暗飄孔翠刺窺餘鳥篆紅沁苔字素縵浮沉引千年愁思團圓
鏡裏轉不盡輓轡寒水落徧梧桐瑤扇靜掩抱珠龍睡

擊梧桐

秋風蕭瑟羈愁逼人疎烟細雨中著屐出城尋大小雷
塘故跡微黃眷柳涼意可憐古事茫茫惟有田水聲足
與清吟相答也

疎葉搖寒意黃漸上江口垂楊千縷碎響忽吹來灑飛雨只在
菱花瘦處分明鏡裏繁華照後留照寒鴉古樹有甚鴛鴦夢膽
水田一片時翹幽鷺簇錦輕帆泥金小戶總是一般塵土欲
說西風恨問恁寫曲折玉鈎斜路但聽秋墳新唱似愁還怨按
後庭遺譜閃蘆根蕭蕭幽綠螢影無數

琵琶仙

江橙里招同汪雪疆杰江玉屏游康山

一簣山低市喧外宛似吹來簪釵遙閃郭外斜陽輕帆數難盡
纔過了天涯風雨好相約短筇支穩隔水聞砧依雲待雁潛遞
寒信 論陳迹未改當年甚豪客襟期太疎俊訴與平生恩怨
惹琵琶淒緊人意與黃花欲老漸一簪冷上秋髻早又蟾影窺
林晚嵐青襯

浪淘沙令

廿四橫橋尺八瓊簫玉人行處顛花翹道是古來歌舞地柳學
纖腰 夢也難拋魂也都消水香前浦路迢迢唱罷采菱還采
菱月揭波高

念奴嬌

題楊吳尋陽長公主墓誌拓本

墨花簾下認春風舊筆猶留苔翠夫壻上頭名字在卅六英雄
誰是五尺殘碑二分明月人說興寧里眠蠶新樣幾行曾共香
瘳想見粉碓脂田沁園春好幾日稱連理夜雨棠梨千載恨
唱到荒墳秋鬼諛墓金空吹簫侶遠誰寫瑤階意楊花夢短一
場同付鵑淚

霜葉飛

遊禪智寺

斷烟偏到繁華境飛飛涼滿蓮字墓田霜草弄萋萋
路聽幾度零鐘斷鼓垂楊凋盡闌干暮便兜率天高已一雲飛
花散罷暗冷塵土安得喚起詩仙藤床瓦枕竹西同譜詞句
萬梢寒碧碎西風捲亂殘鴉語道片月須留小住憑伊來照荒
寒趣只莫談離宮愁多少荒波白鷗明處

齊天樂

將還西湖畱別韓江吟社諸君

遙空雁艣隨雲遠
聲似吟歸興
夢倦旗亭衫枯木葉都是西風
吹冷江邊照影帶殘葉
蕭疎寫愁鷗鏡此去孤篷一燈和雨
閃涼暈
清盟前度許訂向橫橋廿四欄畔
同凭瘦入花痕香銷酒袂離緒與波無定
瓊簫細聽早喚起相思者般淒緊不盡
流連片帆遙弄暝

有正味齋詞集卷二目錄

錢塘 吳錫麒 聖徵

佇月樓琴言二

法駕導引

小遊仙三首

石湖仙

題王蘭泉先生三泖魚莊圖

壺中天

夏晚坐綠意亭納涼賦寄胡竹城

菩薩蠻

臺城路

李宸妃粧樓

蘇幕遮

陽臺路

聞曹忍庵在揚州以千金買歌兒戲歸新安詞以訊之

壺中天

夜飲蔣心餘先生寓齋歸途同家香亭太常曹習庵宮允陸耳山學士程魚門綢修黑密庵登曉月色激映野風肅然居僧淪茗供客情殊清灑因賦此闋以誌一時游興云

長相思

以書寄西泠諸君即題其後

望梅

春游書來雜述近狀兼詢及余余謂長安風雪中蹇驢敝車宦況可想而鶴巢梅花且開諸君鴈燕其下吟香送臘弄影延月其樂如何因賦此詞寄之追歡舊游彌益凄眷矣

壺中天

霽雪在樹返景眷林余棲倚杜門適陳竹汀沈魏尊枉存園爐款談殊慰寒寂

愁倚欄令

虞美人

月華清

九月望夜被酒歸來明月在窗清寒特甚新愁舊夢悵觸於懷因賦此解

琵琶仙

唐六如夕渡閣

夢橫塘

題王竹所西山紀游

摸魚兒

題許笠人孝廉竹坡圖

惜餘春慢

題美人圖仿唐人惜花春起早詩意

瑤花慢

風雪作寒寓齋岑寂擁爐孤坐偶歌此詞恍惚玉龍起舞也

極相思

前調

菩薩蠻

迎春樂

憶舊遊

題李秋門駕湖雨泛圖

消息

甲辰冬杪余將乞假南歸賦寄故鄉知好

八歸

沈梅村令南宮余迂道往訪天寒命酒追述余兩人少年事因出歸田約示余西溪數椽樓映梅竹烟山之契泐泐兮余懷也賦此爲異日証

菩薩蠻

往平道中

扁舟尋舊約

蓮子湖中居人藝花者多以蘆爲哨余來時春水方生蘆芽微碧彌望皆僧衣田也買舟沂流如行曲港約錢容臺同語此詞以寫其烟水之態

翠樓吟

同汪秋白遊塔射園邀主人張遠春同作

月中行

更漏子

題友人柳陰獨步岡用汪柳湖韻

摸魚兒

題友人柳陰獨步岡用汪柳湖韻

瑤花慢

題陳默齋壽雪山房圖

霓裳中序第一

題陳秋堂表弟蕉林學書圖

眼兒媚

唐多令

棲水道中

石湖仙

出五龍橋望含山松氣接雲塔光送雨行十里餘猶見黛眉隱隱烟際也

摸魚兒

渡太湖

慶春宮

不見方竹樓垂甘載矣今年春和遇于真州白髮飄飄境老可念酒次出囊囊感舊陶扇題回首前塵宛平夢寐空楮所及凄然于言

點絳脣

海棠春

徵招

舟行潘封洛社間晚雨極涼命酒獨酌

慶春澤慢

松江祁齋酬李味莊同年

江城子

泊落瓜橋

醉落魄

調笑令

十六字令

壺中天

雨後過荻港蘆風四起蕭寥無人唯見楓葉晒晴冷紅可念

玉京謠

吳興道中白石仙所謂家家烟浦戶戶畫船者也

黃鸝遶碧樹

過古塘橋茅舍幾家稻堆齊屋旁迴曲磻奇楓老竹如在畫圖

臨江仙

曉出三江口露氣彌空天白瀟瀟今人毛髮如濯

扁舟尋舊約

重至松江訪味莊不值將之姑蘇待潮于秀溪橋際曉乘月而行半蟾揭天羣星在水船頭聽葉江上閒漁殊有慰于羈抱矣

齊天樂

題倪米樓載書圖

臺城路

題黃潤園索句圖

高陽臺

祀竈日簷石琴見過出
新詞賦此爲贈

有正味齋詞集卷二

錢塘 吳錫麒 聖徵

佇月樓琴言二

法駕導引

小游仙曲

蓬萊島蓬萊島海水綠波生鐵笛一聲龍女去桃花吹作碎瓊聲鸞鶴正相迎

又

前題

華鬢樂華鬢樂色界大難名句引雨雲歸楚峽脫逃星宿入衙城兒女世閒情

又

前題

淒涼意淒涼意如夢復如癡
白奈人間悲織女碧桃天上葬西
施淚雨太迷離

石湖仙

題王蘭泉先生視三泖漁莊圖

綃痕秋翦帶紅樹蒼茫沙溆清淺尋夢到蘆花
只留得鷗心一片蕖香吹老問幾棹采魚歸晚
雲斷認破帆指塔遙轉京華
比年同住話林泉塵襟如浣斷蟬撈鰕試
檢鱸鄉舊笳笛吟
龍月高聽雁夜燈楓岸圖裏展菰蒲剩響蓬
點

壺中天

夏晚坐綠意亭納涼賦寄胡竹垞

應皇

一壺幽綠寫零星碎月都成秋意翠扇低搖池影外浮動藕花

香細曲閣遲燈虛廊颭笛夕氣涼如水蟲絲絡遠豆棚疎處輕
墜回問舊雨天涯狂歌散髮幾度風前醉一段鄉心隨夢遠
悔被亂蟬嘶碎拄杖看雲移篷聽雨此樂曾能記讓君吟獨竹
肌劃滿詩翠

菩薩蠻

生生翠袖籠香悄暮雲正向屏山繞
相約者時來梅花三九開
羅帷寒乍透綠得燈如豆
掌上拓鞋兒要人兜底思

臺城路

李宸妃粧樓

東風不管興亡事隔樓漸催春好柳意分青山情送黛一樣淡
蛾新掃鶯聲喚曉定銅輦聽過夢回偏早畫出鬢痕樹波低墮
綠雲悄淒涼誰更訪古便瓊華島畔都長寒草金盞脂消瑤

箱麝散愁滿故宮花鳥何人問到只劃取南朝幾分殘照陡觸
簾旌撲回釵燕小

蘇幕遮

寫長箋吟短語風攪楊花點點離愁聚香送簾前三日雨燕戶
無聲夢入紅梨去欲拋時難撇汝穿過迴廊重倚闌干暮天
上魚星期不誤淚眼鰾鰾灑盡相思苦

陽臺路

聞曹忍庵

自鑒

在揚州以千金買歌兒載歸新安詞以

訊之

鴈聲軟盪冷紅一片詩情吹滿更柔肅暗膩銅溝怕逐綠波齊
遠料理笙歌唱徹夜蟾二分清怨歸跡換費佛奴纖紅親押香
券憶我竹西前事只夢影空留畫扇晚雲銷黯想州沒冶春

閒館和歌吹送君歸去十里梅花催徧任教聽水聽風暮帆移

緩

元儼樂聞以中統鈔一
千錠買歌兒汪佛奴

壺中天

夜飲蔣心餘先生

士銓

寓齋歸途同家香亭太常

玉綸

曹習菴宮允

仁虎

陸耳山學士

錫熊

程魚門編修

晉芳

黑窰厰登眺月色激映野風肅然居僧淪茗供客情味
清灑因賦此闕以誌一時游興云

醉拖履去向玉壺清處濯來詩魄風意不離蘆葉上響曳幾枝
殘碧樹古邀雲臺空夢鶴人是瑤池客蕭蕭茶鼎一僧孤立霜
白私笑雁爪天涯尋菰覓稻慣印泥邊雪望破寒烟燈火遠
能數誰家刀尺搔首看天披裘坐石歸騎遲今夕松杉橫影畫
紗移上苔格

長相思

以書寄西冷諸友卽題其後

說相思問相思
楓落吳江雁去遲
天寒二九時
怨誰知夢誰
知可有梅花寄
一枝雪來翠羽飛

望梅

春漪書來雜述近狀兼詢及余
余謂長安風雪中蹇驢
敝車宦況可想而鶴巢梅花且開
諸君觴讌其下吟香
送曛弄影延月其樂何如因賦此
調寄之追歡舊遊彌
益淒眷矣

雁聲低墜
早天邊遞到一函愁
思歎近來瘦減青衫只一曲
琵琶一襟秋淚夢遠
長安道我亦荒寒
如此正冰花壓帽
凍暈搖燈雪滿天地
高樓往時共倚問
鶴巢曲處梅信通未記一枝

竹外低斜更籬角何人笛聲吹起日暮天涯怕雙袖已消吟翠
牘窺窗一丸冷月照人獨睡

壺中天

霽雪在樹返景簷林余養疴杜門適陳竹厂

以綱

沈匏

尊

心醇

枉存圍爐欸談殊慰寒寂

裏頭吟倦看簷牙凍雀啄餘晴雪風力峭添林影外吹得夕陽
明滅破渴敲茶消閒炙墨瘦鶴和清絕欸門人到舊情同畫灰
說還念歲晚江湖梅花不見千里烟波濶空向孤山殘夢裏
分取一痕新月有約租驢幾番勸酒莫怪添華髮玉龍催起笛
聲無數波折

愁倚欄令

雙鷗雨一箏風畫橋東弱柳繚繚千縷間香紅雪疊衫兒影

薄雲堆髻子春濃殘夢櫻桃花外覓記相逢

虞美人

楊枝彈碎清明雨攪作愁和絮春殘更苦是花殘況到落花時
節有些寒鏡中描出雙蛾瘦人似當年否淒迷一片夕陽西
只恐夢回不待亂鶯啼

月華清

九月望夜被酒歸來明月在窗清寒特甚新愁舊夢根
觸於懷因賦此解

鴉影偎烟蛩機絮月月和人共歸去愁滿青衫怕有琵琶難訴
想玉欄吹老苔花枉閒却扇邊眉嫵延佇漸響餘落葉冷搖燈
戶不怨美人遲暮怨水遠山遙夢來都阻翠被香消莫話青
鴛前度賸醉魂一片迷離繞不了天涯紅樹誰語正高樓橫笛

數聲清苦

琵琶仙

唐六如夕渡圖

林曳秋烟帶鴉點一片蒼茫未了來問古渡扁舟篙聲出寒蓼
紅樹外漁樵雜坐寫涼影不多斜照幾尺荒波閱人來往能記
多少念當日曾住楓江慣寒暮沙汀覓菱棹收拾一天雲水
付林泉新稿還想見人歸月上鰲櫺頭閒立鷗鳥最愛斜對柴
門一峯孤峭

夢橫塘

題王竹所

初桐

西山紀遊

埽苔延屐撥葉停筇滿衣吹濕烟翠歷歷斜陽暗老却櫻桃溝
水鷗外留盟石邊尋夢鐘蕭寺任閒雲自去翳竹迷松微微

露紅螺髻 分明萬綠濃時又清寒如水半濕吟紙四月空山
渾未了落花情味試揮手琴歌一曲響帶飛泉墮天際野店燒
春醉偎芳樹數清遊能幾

摸魚兒

題許笠人孝廉

津竹坡圖

黯濛濛萬竿寒玉碧烟吹滿空際無聲詩裏秋難聽暗聚一壺
涼思秋幾里看照影橫斜添入三分水樵風又起問老葉遮晴
危梢曳雨鶴夢得圓未 湖天住老屋數間而已苔階空印屐
齒近來霽雪梅花外誰賞此君清味圖畫裏歎燒筍年光未許
成歸計頻敲笠子但歌到吳江竹枝淒咽怕減袖羅翠

惜餘春慢

題美人圖仿唐人惜花春起早詩意

罷打鶯兒旋驚鴉子夢醒思量難說餘寒未了墮入蒼茫纔卸
柳邊殘月道是新愁怎禁偷撚香枝莫嫌輕折只簾旌遮住東
風欄外落花如雪聽幾度歌唱橫塘相思來處料也雙心同
袂單衫瘦軀冶鬢濃堆恰稱舊家標格最憶紅樓那番粧鏡初
開上頭時節又啼鴉喚曙梨雲無數不曾留得

瑤花慢

風雪作寒寓齋岑寂擁爐孤坐偶歌此詞恍惚玉龍起
舞也

爐熏欲燼酒價新高早北風吹雪爬沙古怨誰付與幾柱冰絲
淒咽西山一角賸天外淡蛾明滅喚玉龍起舞尊前伴我晚來
吹笛亂雲似葉濃飛帶數點飢鴉歸影寒絕湖天舊夢聽不
到樹樹竹聲輕折牆腰低汨還誤認夜深殘月問者番霽後圓

林瘦却梅花誰說

極相思

糝金窗戶誰家幽夢繞梨花簾衣緊護剪刀不動今日寒些
二七良期纔過了抱圓冰卜向天涯無言獨自相思遲暮雪密
燈斜

前調

草金車子來遲過了殺燈時杏花纖尾丁香茸舌二月春期
多少惜香情緒在拗折枝繡到羅衣簾前窺影樓頭飛夢蝴蝶
相思

菩薩蠻

怨春春亦憐人瘦問人那得扶春手三尺禁風播落花前夜寒
鶯聲啼徹曉今日相思早損了繡工夫鴛鴦兩字無

迎春樂

冶雲不斷屏山底。賸好夢、誰人記。釧圓如月籠酥臂。須識得、蟾蜍意。
漸百尺垂楊踠地。問幾日、愁春醒未。扇上花吹欲滿。獨自闌干倚。

憶舊遊

題李秋門

寅熙

鴛湖雨泛圖

認篷梢、窄葉艫劃圓波。半邏船來過了。楊花雪想桃花。細雨鏡
面新揩暗。添舊愁多少。翦燭話天涯。問湖是鴛鴦勾留鄉夢幾
夜曾回。徘徊溯前約。又黃雀風高。孤負帆開。唱到蕭蕭句。剩
圖中笠影也。費鷗猜。勸君藉袈橋畔。歸買藕苗栽。只待我閒來
花前弄艇同舉杯。

消息

甲辰冬杪余將乞假南歸賦寄故鄉知好

雪埽斜街冰敲破硯故人知否歲晚書愁天寒寄夢商畧黃昏
後扁舟一霎搖空雁艣不肯水雲輕負忍鷗鄉年年別却草荒
西子湖口朝衫卸了漁衫許換不待蒹鱸時候花落花開燕
來燕去約醉櫻桃酒相思試問故園梅發誰在笛邊回首只今
夜先惹歸心莫教拖逗

八歸

沈梅村令南宮余迂道往訪天寒命酒追述余兩人少
年事因出歸田約示余西溪數椽棲映梅竹烟山之契
渺渺兮余懷也賦此爲異日證

鞭搖夕照村寒難避孤堞隱見雲外燒燈有約吟官閣休說沈
郎憔悴瘦寬腰帶但說烟波湖上興歎舊夢閒鷗都改算俊侶

只有梅花歲晚一枝待 曾記紅衣雪裏西溪呼棹慣與漁樵
同載水邊花影酒邊月影不比嬋娟難買好三間卜築一角青
山鎮相對吾先去爲君料理竹粉涼邊描箇畫圖在

菩薩蠻

桂平道中

楊枝愁入行人唱勒住青絲寒不放上九是良時春風鬢上知
弓彎驢背小裙釵鴛鴦倒一幅幃蟬紗送兒還壻家

扁舟尋舊約

蓮子湖中居人藝花者多以蘆爲界余來時春水方生
蘆芽微碧彌望皆僧衣田也買舟泝流如行曲港約錢
容臺

本禮

同譜此詞以寫其烟水之概

葉葉成烟花花入夢一篙新碧初生菱歌何處采香無分接天

有正詩話卷三
八
雲水縱橫舟前誰導我笑唯是沙鷗有情中流風起寒無蹤迹
暈向綠波輕偏愛看荒蘆圍繞處似水田衣濶夕照鋪晴山
眉低映單椒浮動分明鏡裏人行暗泉聽漸遠倒飛落峯頭笛
聲老漁相待柴門對酒邀月明

翠樓吟

同汪秋白

大經

遊塔射園邀主人張遠春

與鏞

同作

夕照看山新涼美水尋詩許頻來否藕花香不斷是風露洗頭
時候疎林回首漸塔影埋雲鐘聲催久愁孤負抱枝蟬語較人
吟瘦 泖口引到烟波看半迷烟艸半和烟柳鱸魚滋味好道
只待詩人歸後欄干招手問燕子年年記誰歌酒新蟾又一庭
如水綠陰窗牖

月中行

行雲不肯峽中居，遞過雁兒書。畫眉人破，晚工夫，新愁寄得無。
團扇已拋紅豆落，賸照影，一半蟾蜍。屏山香冷，夜啼烏夢去，採薜蘿。

更漏子

漏聲長，燈影短。夢裏鴛鴦，怎煖看枕印。認鬢絲，問雲雲不知。
心無盡，聲無定。秋到芭蕉，難準朝帶雨。夕兼風，往來愁殺儂。

摸魚兒

題友人柳陰獨步圖用汪柳湖應紹韻

擾長隄，濛濛密密，何人尋到烟趣。第三橋外聽鶯說，說與落花
情緒。須小住，道圓却萍波未了前生絮。丁寧取，是青漆闌干，
紅泥亭子，賭唱柳枝處。天涯怨空憶舊時，纖嫵蛾兒，看去愁
誤料伊也。倦回嬌眼，怕惹尋常歌舞情，一縷只綰雨，搖晴畫出。

西湖路邀君更駐正筭美魚肥酒帘一角夢入綠陰去

瑤花慢

題陳默齋

廣寧

壽雪山房圖

宛然太始如此孤清記訪溪山口羣峯玉立俯竹裏著個尋詩
人瘦蹇驢騎出認林缺白雲相候有峨眉老鶴歸來說道峭寒
依舊翻憐泥爪天涯賸蹤跡蕭蕭前夢孤負瑤華寄贈問寫
得近日時晴佳否山陰高致更續向永和年後請一壺茅店沽
春醉折梅花爲壽

霓裳中序第一

題陳秋堂表弟

涇鍾

蕉林學書圖

幽尋試步屨墜雨飛來響涼葉釀就苔陰半濕漸扇影生疎衣
香消歇愁心萬疊歎綠天前事難說誰重把好秋一片料理入

吟篴清絕晚螢明滅照釵股依稀如折相思人又賦別牘破
硯棲烟孤筇倚月草荒迷夢蝶只幾度碧雲暮合潛教換畫稿
離披水墨半欄雪

眼兒媚

鏡雲吹墮一窩絲霜影換蓮衣紅闌十二紅橋廿四各自東西
當時枉織鴛鴦錦無夢到寒機底牽愁緒青春易了白月相
思

唐多令

棲水道中

野綠自成春陰濃晝不真幾家茅屋結比鄰竹樹二分嫌未足
須遠水補三分酒旆屢招人漁榔轉一村夕陽破網晒當門
土步魚肥新筍白斟老瓦聚兒孫

石湖仙

出五龍橋望含山松氣接雲塔光送雨行十里餘猶見
黛眉隱隱烟際也

呼人幽鳥導天末孤帆烟際來悄寒綠逗林疎放春山窺人欲
笑荒波無恙記客髯舊時曾照重到歎白鷗近已都老青旗
幾家矮屋說消愁烏程酒好醉裏狂歌惹得龍公先惱雨雨風
風短篷催早暮雲閒了和樹杪一枝塔影斜曩

摸魚兒

渡太湖

盪鷗邊者般荒綠何人能忍孤冷三萬六千餘頃濶一色淨谿
天影風未定便樹上雲流也有聲堪聽斜陽又暝看捲雪堆銀
浪花飛處寒上鷺鷥頂前林遠微見疎簷掩映蒼茫先結幽

興江湖慣識丹青意畫出數帆端正呼小艇可載得全家同向
篷窗凭烟波定肯但劃港裁魚分灘放鴨夢已落清境

慶春宮

不見方竹樓

元鹿

垂廿載矣今年春相遇於真州白髮

飄蕭窮老可念酒次出囊琴感舊圖屬題回首前塵宛
平夢寐毫楮所及淒然於言

流水前緣閒雲今日料難說與枯桐膝上虛橫囊中冷貯者番
又過春風綠楊城郭問誰繫當時釣篷沙鷗應歎一別江南廿
載重逢 寥寥古調難同白髮尊前舊夢烟空不了相思便教
相見也憐絃語都慵把杯徐勸且休惜衰顏醉紅商量一曲揮
手招來海月天東

點絳脣

放過春光亂鶯啼處花全落斜陽樓角驀地思量著
劃步香階去踐烏衣約東風惡夢魂飄泊翻怨梨雲薄

海棠春

灰沉寶鴨飄殘麝漸翠被有些寒惹明白坐東風消受梨花夜
踏春準備來朝暇早繡帖粧臺收罷芳草蝶先來夢穩鞦韆
下

徵招

舟行潘封洛社閒晚雨極涼命酒獨酌

西風十里生蘆語蕭蕭共人吟瘦飛雨入秋繁儘黃昏消受清
愁新釀就歎短髮也如疎柳慣閱烟波白蘋涼處一鷗依舊
漁約待重尋移船去分明聽敲銅斗悵望隔溪山賸孤雲留久
臨風開笑口算贏得天涯杯酒早篷底冷暈搖燈是夢來時候

慶春澤慢

松江郡齋酬李味莊同年

廷敬

琴鶴隨身桑麻滿眼行春去策花驄江水評量料應官味能同
畫圖省識滄洲趙預留君一箸秋風霽滄洲恣豪吟萬幅揮殘割
取吳淞茸城舊是繁華地自栽棠舍近射雉塲空送到閒身
只除鰕菜關儂追尋十載長安夢怕東華重聽晨鐘但浮家烟
波許乞來繫漁篷

江城子

泊落瓜橋

片帆瓜步記乘潮雨連朝月連宵冬瓜堰畔昨日小停橈一路
趲人歸夢近流水響落瓜橋

醉落魄

愁心吹碎相思只在屏山背銀河咫尺迷環珮
涼花態 扇上青鸞塵篋待流螢乾死粘裙帶
秋情容易垂楊改一鏡青霜各把蛾眉賽

調笑令

秋雨秋雨遞到芭蕉冷語五更殘月來時纔得
天涯夢歸歸夢歸夢一片蟲聲相送

十六字令

愁釀就淒涼雨後秋心和月蕩漾在簾鉤

壺中天

雨後過荻港蘆風四起蕭寥無人唯見楓葉
曉晴冷紅可念

片雲移去早帆外高挂斜陽天半可惜蘆中人
不見誰共渡頭

漁飯鳥下烟青魚跳浪白十里楓林遠紅衣如畫隔溪閑佇秋
晚偏是羈旅蒼茫聽風聽水使我清遊倦野草離披蟲語合
也爲天涯微歎怨蝶魂歸啼鵲淚在乍醒繁華眼夜深月黑暗
泉還咽根畔

玉京謠

吳興道中白石老仙所謂家家烟浦戶戶畫船者也

細雨樓臺遠曉夢迷迷暗度菰蒲去翠老菱船采香閒了兒女
問滿陂草長王孫恁冷落鷗波無主呼幽侶蘆灣荻汊聊尋烟
語青山約畧呈眉嫵倚篷窗怕更吟舊句粧鏡銘成晶奩空
賸愁貯只眼前鰕菜關心定有日將家同住攜魚具來著短蓑
狂舞

黃鸝遶碧樹

過古塘橋茅舍幾家稻堆齊屋旁通曲磴奇楓老竹如
在畫圖

難得輕帆卸平橋古水又延清矚老屋誰家想柴門關住白雲
同宿夕陽影外但吹冷稍稍疎竹還賴有幾葉紅肥點破一壺
幽綠 最羨翁稱足穀計佳筍饗頭方熟定今日更鮮鱗細斫
新筍微漉可惜芳鄰未買欠約箇鷄豚局留教畫裏償吾晝來
重讀

臨江仙

曉出三江口露氣彌空天白灝灝令人毛髮如濯

夢醒不知天與水隨帆飛入銀河中流擊楫聽吾歌笙鐘鏗戛
高浪駕鼉鼉 萬里洪濤從此合秋寒風露原多芙蓉采采去
如何紅萍一點搖蕩水晶窩

扁舟尋舊約

重至松江訪味莊不值將之姑蘇待潮於秀溪橋際晚
乘月而行半蟾揭天羣星在水船頭聽葉江上聞漁殊
有慰於羈抱矣

圓渚浮涼橫峰落翠日斜訪舊重來寥空雁下無人吟處一琴
閒臥青苔破帆畱且住看明鏡微雲自揩晚潮生未么蟾上候
鷗影共徘徊還記得攜尊芳草地聽滿船絃索燈火蘇臺思
量前約烟波好在耳邊吳話先催冷風吹葉落早疑是楓橋夢
回且隨漁父沿流弄月莫放杯

齊天樂

題倪米樓

稻孫

載書圖

綠波如畫江南好櫂歌千里催發長物隨身東風著力滾滾濤

頭飛雪呼鷗試說問可識詞人者般蹤跡細雨桃花米家船到
片帆濕垂楊還映古堞欵楞伽舊夢空掩芭篴綵筆期君青
氍坐我同照二分涼月吟蟲漸咽和夜讀聲清一燈明滅篷滴
依稀夢醒聞墜葉

臺城路

題黃潤園

梧

索句圖

苔邊涼殺詩人夢醒來還續吟緒紅引花窺青邀竹笑譜出無
絃琴趣高情漫與在斜照明時斷煙疎處招手青天響空一鶴
共幽語西江試論派別羨涪翁句好香瓣重炷苦蘗禪心甘
茶俊味同向箇中叅取春風去住怕吟損腰圍漸輸前度且乞
花豬嫩和新筍煮

高陽臺

祀竈日簷石琴

肇堂

見過出示新詞賦此爲贈

裂竹雷晴敲花鼓凍天涯又逼殘年茶夢圓成劃灰閒話爐邊
幾人來跨揚州鶴歎故巢多老荒烟伴蕭閒折爨黃梅笑證枯
禪知音數數桐枝託但細商琴趣只在無絃滌雪腸寒半生
苦戀青氈何時載酒尋鷗去怕江湖也易華顛趁今宵燭艷餞
香且賭吟箋